

DE
IVRECONSVLTO
OECONOMO

ILLVSTRIS
ICTORVM LIPSIENSIVM ORDINIS
CONSENSV

SVB MODERAMINE
DN. ABRAHAMI KAESTNERI
IVRIVM DOCTORIS ET PRACTICI
LIPSIENSIS

PRAECEPTORIS OMNI PIETATE
ATQVE OBSERVANTIA COLENDI

DIE XXIIIX. MART. MDCCXXXX

DISSERET

CHRISTOPHORVS HENRICVS
POENITZIVS

DRESDENSIS.

LIPSAE
EX OFFICINA LANGENHEMIANA.



G. J. F. H. H. H. H. H.

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY
1100 EAST 58TH STREET
CHICAGO, ILL. 60637
TEL. 773-936-5000
FAX 773-936-5001
WWW.CHICAGO.EDU

THE UNIVERSITY OF CHICAGO
LIBRARY

A
MONSIEUR
MONSIEUR
AVGVSTE FRANCOIS
ESSENIUS

SEIGNEUR DE KLEIN-KMEHLEN,
CONSEILLER DES COMMISSIONS ET GRAND
BAILLIF DU GRAND BAILLAGE DE SA MAJ.
LE ROI DE POLOGNE ET ELECTEUR
DE SAXE A DRESDE

ET

A MONSIEUR
MONSIEUR
JAQVES GEOFFROY
ESSENIUS

CONSEILLER DES COMMISSIONS ET CAISSIER
DE LA COUR DE SA MAJ. LE ROI DE POLOGNE
ET ELECTEUR DE SAXE

MES FORT ESTIMES PATRONS.

MESSIEURS,

Prendre part à ce qu'il arrive de bien ou de mal à ceux, de qui l'on tient le jour, c'est un de principaux devoirs des enfans. Pour moi, je vais travailler toujours assiduëment à m'en acquitter. Mais voilà aussi la raison, qui me rend hardi de VOUS offrir cette pièce, par laquelle il faut rendre

*conte de mes etudes. Mes parens
sont tres heureux par l' honneur de
VOTRE affection , dont VOUS,
MESSIEURS, avez la grace de
les honorer particulièrement. Et c'est
la même chose, qui me VOUS oblige
d' autant plus, que je suis sensible à
ce bonheur de mes parens. Il y a
long tems, que j' ai medité la manière
de VOUS convaincre de ma vive re-
connoissance. Mais je n' ai trouvé
rien si propre à mes desirs, que l'occa-
sion présente. I' en profite donc avec
VOTRE permission, faisant connoître
à tout le monde par là, que VOS
bons*

bons sentimens pour ma famille demandent de si grandes obligations, que je ne sai assez de tours pour VOUS en remercier. Ayez la bonté, je VOUS supplie tres humblement, de bien recevoir cette petite marque de reconnoissance. Conservez, s'il VOUS plait, VOTRE faveur fort precieuse pour ma maison, et faites me jouir aussi de celle-ci, en ayant soin de ma fortune, et en me donnant en même tems d'occasion de mettre en usage ce que j'ai dit dans ma dispute. Si je n'ai pas encore assez de mérites, je redoublerai à l'avenir mon attention


*tion de m'en rendre digne. Car il n'y
aura jamais personne , qui VOUS
soubaite plus ardemment toutes les
felicités possibles , et qui va plus loin
sur le chapitre du respect , qu'on peut
avoir pour VOUS, que moi,*

MESSIEURS,

V O T R E

tres humble et tres obeissant
Serviteur

CHRISTOFFLE HENRI POENITZ.



DISSERTATIO IVRIDICA
DE
IVRECONSVLTO OECONOMO.

PROOEMIUM.



ripis poscit.
bio primum

Appropinquat tempus, quo Lipsiam *Instituti ratio.*
nobilem, copiosam, atque eruditissi-
mis hominibus, liberalissimisque stu-
diis, affluentem, relinquere cogor.
Prius autem, quam illud fiat, quid in
me ingenii sit, publice testari et futu-
rae salutis ratio suadet, et iussus Prin-
Satisfacturo itaque huic officio, ac du-
aliquantisper, quodnam argumentum
B foret

foret eligendum, cum permultas iuris doctrinas a versatissimis in iurium scientia hominibus accurate, copioseque, tractatas esse viderem, *paterna demum, ac mea conditio* praesens obtulit *de IURECONSULTO OECONOMO* thema. Equidem nec inanis fuisset labor, si separatim cogitata quaedam aut *de Iureconsulto*, aut *de Oecono* publice communicassem. Disserere potuissem *de Iureconsultorum* virtutibus, itemque explicare officia, et quantum utilitatis Republicae adferant, quia ius constare nequit, nisi sint Iurisperiti, per quos illud quotidie in melius producat, *v. l. 2. §. 43. n. de O. I.* vbi neque a re alienum fuisset, delere simul maculam, quae per quorundam iniquiores artes iam penitus fere in Aduocatorum nomine insedit, et tantum commune odium effecit, ut haud paucis prorsus e Republica extirpandi fuerint visi. Dicere potuissem de necessitate artis *Oeconomicae* peritorum in Republica bene constituta, quae sane vel exinde patet, quod, quo cultior est in provincia Status Oeconomicus, eo largius inde fumantur, quae ad culturam Status religionis, civilis, et militaris, faciunt, quos in Republica praecipuis attendendos esse, recte iudicat BURCH. GOTTH. STRVV. in *diff. 2. §. 1. Synr. histor. Germ.* Verum magis has ideas iungere placuit, et de illo in praesenti aliqua dicere, *utilissimum omnino ICro esse*, praeter alias scientias *et in Oeconomicis*, quantum sat est, *scire.* Det Deus, ut ex voto succedat opus!

§. I.

Suo iure BALDVS ad l. 10. C. de oper. libert. n. 9. ait, quod a vocabulorum cognitione sententia omnis incipiat. Nomina enim quasi quaedam picturae sunt, ac characteres, quibus ipsa rerum innotescat natura vid. GELLIVS N. A. L. 13. c. 10. l. 1. pr. de reb. cred. et l. 1. pr. de I. et I. et l. 1. §. 1. de pact. Sed mei iam non esse videtur, studiose inquirere, vnde verba in rubro obuia dicta sint, aut, quales significatus alios, vocesue similes, habeant, explicare. Cuius enim notum est, quid vi vocis denotet OECONOMVS, quidue ICTVS. Illud saltim monere possem, quod vocabulum ICTI hic in laxiori significato de omni, qui versatur in studio iuris, et sub OECONOMO non is solum intelligi debeat, qui pro sua ipse conditione didicit honeste acquirere opes, partasque tueri, sed talis etiam, qui aliorum omnis vitae generis hominum modos non ignorat, quibus et comparare sibi soleant facultates, et quaesitas prudenter administrant, aut administrare debeant.

*Quis hic
ICTus?*

*Quis Oecono-
mus?*

§. II.

Ita igitur potius ante omnia ICTVM OECONOMVM *Definitio.* definio, aut, si mauis, describo, quod sit *persona, quae ex saniori consilio non tantum in doctrinis iuridicis, sed etiam Oeconomicis, solidiorem sibi cognitionem adquisiuit, aut adhuc in ea acquirenda elaborat, vt hac ratione magis publice prodesse possit.*

§. III.

Consulto dictum fuit *ex saniori consilio.* Peruasit enim, quod mirum, communis fere omnium eruditorum animos opinio, res Oeconomicas scire non esse scientiam, eruditi opera dignam, vt monet DOEHLER in der 7. Er-

*Definitionis
explicatio.*

B 2

rime:

rinnerung seiner Untersuchung des heut zu Tage überhand nehmenden Geld- und Nahrungs-Mangels, inquit: Man hält die Haushaltung vor etwas geringes, und unanständiges, ja vor ein Werk, das nur denen Verwalthern, Pächtern, und dergleichen Leuthen zukomme. Faciliorem experientiae beneficio artis Oeconomicae apprehensionem esse iactitant multi, quam ut opus sit altioribus scientiis eadem praeripere tempus. Si quis ergo liber ab huiusmodi praecudiciis, quae Gener. Dn. A ROHR in seiner Haus-Haltungs-Bibliothec c. 1. §. 11. seq. vna cum aliis scite satis perstrinxit, in hoc etiam cognitionum genere hospes esse nolit, sanius omnino consilium, ac prorsus meo iudicio laudabile, cepit.

§. IV.

ICti, qua talis, officium proprium.

Praecipua quidem ICti cura esse debet, ut insignem sibi comparet in cognoscendis, interpretandis, ac rite applicandis legibus facultatem. Scire namque leges non hoc est, verba earum tenere, sed vim, ac potestatem. v. l. 17. π. de LL. SCtis, et consuet. Datum praeterea ICto est, quod Principi placet, interpretatione prudenti reddere perspicuum, cum non possint omnes articuli legibus comprehendere, v. l. 12. π. de LL. Nec quicquam fere praeclarius ICto esse potest, quam si tanta inclaruerit iuris scientia, ut iure suo de se dicere possit, quod ille PYTHIVS APOLLO apud ENNIVM:

*Suarum rerum incerti? quos ego mea ope ex
incertis certos, compotesque consili,
dimitto, ut ne res traçant turbidas.*

§. V.

Cum studio Iuris recte ICtus et studium Oeconomicum iungit.

Sed nondum ita ius nosse sufficiet. Sunt alia etiam discenda, quae cognitioni, aut adplicationi iuris perfectioni subministrant, nec immerito illuc Oeconomica refertur. Verum

Verum enim omnino mihi videtur iudicium ANONYMI cuiusdam in discursu *de necessitate ICTi ad Hyppoliti a Lapide Praef. Libri de Ratione Status*, §. 20. Iurisprudentiam Philosophicarum disciplinarum praecedentem notitiam praesupponere, nempe Politices, OECONOMICES, Ethices etc. tum, quia sint partes, et principia iurisprudentiae, tum, quia suppeditent rationes et causas actionum, et honestatis fontes aperiant. Cui et accedit HENELIVS in Tr. sub tit. *Statua mercurialis. c. 8. p. 149.* suadens: ut nec OECONOMICA PRVDENTIA plane destituatur PERFECTVS ICTVS, addita ratione, ne in Principum aulis ad consilia de administratione bonorum camerae ferenda mutus appareat, sed ut omnibus ex partibus prudentis Politici munere possit desungi,

§. VI.

SOLIDIOR porro rerum Oeconomiarum COGNITIO in IVRECONSULTO OECONOMO requisita fuit. Sed in quibusnam, quaeso, absoluetur illa? Scientiam esse oportere ICTo existimo in *Oeconomica Principis*, seu publica, pariter, ac *ciuium*, seu priuata, et tantam quidem, quae digna est erudito. Scire namque eruditus est, rem nosse per causas. Neutiquam idcirco peracta res erit, si velit degustare tantum aliqua, illuc spectantia, et fugitiuo quasi percurrere pede. In acquisita notitia vterius meditando progredi fas est, adeoque nec ICTi scientiam fugere debent artes ac disciplinae, *artis Oeconomicae* administrae, in quarum numero sunt *doctrinae Physices, Mathecos, aliaeue*, quibuscum Oeconomica veluti cognationem aliquam habere videtur.

Sed non satisficiarium esse debet.

§. VII.

Praecipuus laboris eiusmodi finis PUBLICA UTILITAS erit, quae cuius optimo prae reliquis proposita esse

Finis huius studii.

debet. Efficiet enim ita instructus *ICtus* operas suas patriae tanto vtiliores, eoque magis ab ea expetendas. Quamuis nec negandum, quod propria simul ipse in eo vertatur utilitas. Sciet enim hac ratione rem suam familiarem sic administrare, ne fera in fundo debeat parsimonia esse, cum inconsultius forte de facultatibus suis sperauerit amplius, quam fuit in iis, ut cum *IUSTINIANO* loquar, §. 3. *I. qui et ex quib. caus. manumitt. non poss.*

§. VIII.

Cur suadendum ICto studium Oeconomicum.

Sed quaenam adest ratio tanta, quaeret quispiam, quae compellere *ICtum* possit, ut temporis, quod debetur disciplinis iuridicis, magnam quoque partem notitiae rerum Oeconomicarum transmittendam esse iudicet? Enumerare iam liceat unam et alteram, quae mihi nullius animum de usu artis Oeconomicae, *ICto* etiam proprio, dubium relictura videtur. An omnia recte sese habitura sint, penes alios, qui plus, quam ego, vident, iudicium esto.

§. IX.

*Ratio I.
Ars Oeconomica praecipue publico utilis est.*

Iure sibi Oeconomica vindicat laudem, quod sit salutis publicae fundamentum firmamentumque, ac insigniter communi seruiat utilitati. Eandem ipsi *MORHOFFIUS* *Tom. 3. Polybist. lib. 3. §. 1. p. m. 504.* his verbis tribuit: *Et Oeconomica pertinet ad Practicam Philosophiam, estque sane dolendum, adeo iacere hanc partem, et frigide tractari, quae tamen fundamentum sternit omni Reipublicae.* Docet sane viam, unde quilibet in Republica necessaria vitae praesidia, Respublica vero tota neruum illum rerum gerendarum accipiat, sine quo et belli utilitas, et pacis dignitas, sustineri nequit. Floret provincia, ubi cuilibet artem illam Oeconomicam pro suo vitae genere tuto exercere licet, ast ruit etiam salus eiusdem, quamprimum eam vis fortis impedit belli. Turbatus enim Reipublicae Status Oeconomico-

cono-

conomicus reliquos omnes secum in eandem calamitatem trahit.

§. X.

Quod si ergo tam insignis in hac arte versetur Reipublicae utilitas, quae tanto maior sit, quo cultior illa indies redditur, nonne *ICtum* minus decere videtur, in tam salubri arte non esse versatum? Est certe cuiusvis Reipublicae membri, quantum potest, ad communem utilitatem afferre. Sumus enim patriae nati, et eidem omnem nostram consecrare debemus operam. Fiet autem procul dubio vita *ICti* tanto patriae fructuosior, quo maior eius studii pars est in addiscenda etiam arte tam fructuosa, quam Oeconomica. Cognitio eorum, qui nesciunt literas, *partim* in Oeconomica rustestri; *partim* in urbana, quam, prout fert qualitas vitae, vertunt in vsum, multum quidem utilitatis publicae profert; Sed si quid *ICrus* ad augendam, excolendamque, hanc vulgarem, et ab experientia petitam solummodo, notitiam conferre valeat, quanto magis tum patriae utilis erit?

§. XI.

De Stoicis nobis MORHOEIVS tradit, quod nec-mechanicarum artium rudem Philosophum esse voluerint. Sic enim *lib. I. c. 1. n. 4. Polyhist.* ait: *Vt ille, Philosophus nempe, et diues, et rex, et nobilis: ita et sutor, et faber, et pistor, sibi erat.* Vtinam sit idem artis Oeconomicae in nostro aevo pretium! Siue enim hi *Stoici Philosophi* eas ipsi exercuerint artes, quod idem vult MORHOEIVS, cum (*utrum bene, an male, iis relinquo*) indignum Philosopho crederent, si aliorum ministeriis ad vitae civilis necessitates vteretur: siue regulas tantum scire voluerint, multum sane videndo, et explicando rerum rationes, publice prod-esse

*De Stoicorum
Philosopho-
rum Oecono-
mia.*

esse potuerunt. Idemque pari iure de notitia rerum Oeconomicarum, ICTo familiari, poterit dici.

§. XII.

Obiectiones.

Sed contrarias hic video sententias. Obiicient enim forsan alii, iam satis laboris esse ICTo in cognitione legum, et parum ideo relictum iri temporis, quod huic arti transmittere possit: porro, sat utilitatis capere Rempublicam ex studio iuris, cui se dedat ICTus: et denique minus convenire dignitati Studii Iuridici, si quis ei addictus agrum vertere, spargere semen, vestes, calceosue, sua conficere manu, aut mercatorem se gerere velit.

§. XIII.

Refutatur: nihil restare iuris studio temporis ad discenda Oeconomica.

Nec quidem ego diffiteor, multarum lucubrationum opus esse, si quis velit abundare praeceptis institutisque iuridicis. Approbo etiam inde propositum ICTi in l. 20. *π. de fideicom. libertat.* vbi ita de se dicit: καὶ τὸν ἑτερον πόδα ἐν τῇ σαρρῇ ἔχω, προσμαθεῖν τι βυλοῖμην, i. e. *etsi alterum pedem in tumulo haberem, non pigeret aliquid addiscere.* Attamen et idem mihi aliquis facile largietur, quod, si quando intermittatur labor, tempus a multis legendo, discendo, aut agendo inutilia, consumatur. Nonne autem quis ageret laudabilius, si conferret illud in *artem Oeconomicam*, et delectabilem, et cognitione omnino dignam? Quod si etiam quilibet ex mente CICERONIS *lib. 1. de Offic. c. 1.* tamdiu discere velle debeat, quoad eum, quantum proficiat, non poenitet, quando, quae so, ICTum poenitebit, in ea proficere arte, quae tam egregium in vita communi praestat usum. Sit etiam quantumcunque temporis reliquum, praestabit tamen, nec vnquam poenitebit, huic illud tribuisse studio, sine quo magna utilitatis parte caremus. Nam quarumcunque rerum usus frequens et quotidianus est, illarum etiam cognitio prorsus necessaria,

et

et maxime fructuosa a. l. 25. de liber. leg. l. i. pr. de susp.
tus.

§. XIV.

Qui se cum scientiis iuris sat instructos ad Rempu-
blicam accessuros esse credunt, hos mihi liceat affari cum
ISOCRATE in Orat. I. ad Demon. *Χρητὸς παιδείας ἐρεγυ-
μένους μηδὲν μὲν αἰπείρας ἔχεν, πανταχόθεν δὲ τὰ Χρήσιμα συλ-
λεγειν, b. e.* eruditionis studiosos nullius, rei esse rudes, sed
vndiquaque colligere vtilia, decet. In iure quidem bene
versatus multum communi vtilitati seruit; Sed cum ego
cuiusvis eruditi esse existimem, nihil scitu dignum negli-
gere, quod eum patriae magis vtilem fore, spes est, ICto in-
de suadendum esse iudico, ut prae aliis etiam ex Oeco-
nomicis colligat vtilia quaevis. Nec erit, cur putet ali-
quis, ISOCRATEM erudito imponere onus, quod nullius
humeri ferre valeant. Vidit enim et ipse, nullum ultra
possibile obligari, v. l. 185. de R. I. nec omnes omnia
posse; Hinc in tantum solummodo ex eruditi re esse osten-
dit, res scire permultas, in quantum quisque maiorem se
ex earum scientia fieri ad res gerendas iudicet.

*Respondetur
ad obiectio-
nem: satis
utilitatis red-
undare in pu-
blicum ex
scientia ICto
Iuridica.*

§. XV.

Quod tertium attinet dubium, minime aliquid iuri-
dici studii praestantiae detrudere animus est. Excusabi-
tur enim facile ICtus, si in fabricandis operibus, laboribus-
ue rurestribus subeundis, corpus defatigare nolit. Illud
saltem cum MORHOFIO recte suadebitur illi, ut multarum
operationum rationes exploratas habere studeat. Aliud
est *theoreticus Oeconomus*, aliudque *practicus*, nec semper,
ut idem utrumque simul sit, necesse est. Scire, quae sint
in negotiis Oeconomicis huius, alteriusve effectus causae,
quae illa expediendi ratio, quidue iis vtilius peragendis
aptum, haec quomodo possint esse indigna ICto? non vi-

*Reiicitur de-
nique: minus
decere ICtum
Oeconomica
tractare.*

deo. Exercitatio contra, et vsus, qui peritiae in vna vel altera Oeconomiae parte vulgaris esse solet, abesse ab ista scientia potest. Alium enim nobiliorem huic substituet ICtus Oeconomicae artis vsus, si eandem in variis a ICto expediendis tantum negotiis applicare scite calleat. Quod idem nunc est vberius explanandum.

§. XVI.

*Ratio II.
Magis expe-
dit praerebus
parum saepe
utilibus artem
Oeconomicam
discere, in ne-
gotiis luridicis
cum fructu
saepius appli-
candam.*

In doctrinas multi non vbique necessarias, nec solas utiles, nimis magnam conferunt studium. Nimio ALII trahuntur in ius Romanum affectu, et prorsus fere negligunt leges, moresque patrios, quod false arguit PRASCHIVS de ICto vero, et personato p. 95. sq. inquit: *Ius Romanum, quod Iustinianus olim in Thracia protulit, multi sunt egregie satis edocti, qui iidem, cum in media nati sunt Germania, Recessus Imperii, caeterasque Pragmaticas Sanctiones, vix semel in vita conspexerunt.* ALII totam impendunt operam in ea, quae in foris, et ad vsus Practicum, nosse iuvant, principia vero iuris, ex quibus tamen omnis sana causarum in Praxi obuenientium tractatio, et diiudicatio, fluit, penitus spernunt: ALII demum aliter distribuunt operas. *Paucissimorum vero contemplationem, ut verbis utar BACONIS DE VERVLAMIO in eius nouo organo lib. 1. aphor. 119. morantur, detinentque, res, quae familiares sunt, et frequenter occurrunt, inter quas sine dubio Oeconomicae res pertinent.*

§. XVII.

Est autem tam in suscipienda, quam in ingredienda studiorum ratione illud etiam inprimis attendendum, quae res sint scitu dignissimae, et ex quarum cognitione maxima redundet utilitas. Neque igitur solum ICto commendandum est, ut ex iure Romano applicabiliora praeferat, theoreticas, practicasque doctrinas aequali studio tractet,

et, sed merito etiam in doctrinis Oeconomicis curam, operamque, ponet, quarum in applicatione iuris non est mediocris usus.

§. XVIII.

Siue enim consideres ICTum, tanquam *de iure respondentem*, aut per *sententias lites dirimentem*, siue tanquam *causarum Patronum*, siue aliud munus publicum expectantem, ubique deprehendes, perutile ipsi esse, si in nulla Oeconomiae parte hospes euadat. Cuius rei veritatem vel etiam ex praeiudiciis, in diuersis dicasteriis circa rem Oeconomicam confectis, collectisque a IOANNE GVILIELMO WVNSCHIO in *Memoriali Oeconomico - Politico - Practico* p. 182. sqq. facile perspiciet aliquis.

Es in pronuntiando, et in patrocinando, et ad meliorem fortunam, saepe ICTum non poenitebis Oeconomica nosse.

§. XIX.

Oeconomica publica id potissimum intendit, ut Princeps satis semper habeat, unde dignitatis, ac Reipublicae onera sustinere possit, nec tamen nimium a ciuibus exigatur. Hic vero finis quomodo attingi debeat, multarum rerum cognitione opus est. Cum enim diuersi sint modi fiscum augendi Principis, uti sunt administratio, aut locatio domaniorum, praefecturarumque, exercitiumque iurium fisci, v. KLOCK in *acerario*, L. 1. c. 2. n. 20. seqq. diuersa etiam rerum scientia esse debet, si iudicare velis, an suum habeat Princeps absque ciuium damno. Nec est, quod eiusmodi scientiam iis tantum esse debere putes, qui constituunt *Camerae*, ut loqui amant, *Collegium*. Suo et ii iure sibi talem acquirerent, quorum labor in peruestigando, quid iuris sit, aliorumque periculis versatur.

Cognitio rerum Cameralium Iudici et Patrono causae saepe proficua est.

§. XX.

Quid enim si iudicandum est de fructibus domaniorum, satisne acceperit Princeps, an administratoris culpa damnum sit passus? Tum sane ad verum rei iudicium,

Casus aliqui, ubi expediat ICTo multum labor, quem

*Oeconomicae
publicae tri-
buit.*

iustamque causae defensionem, multum faciet, rerum, vnde petendi sunt fructus, naturam atque indolem, et quinam vtilissimus eas tractandi modus sit, nosse. Ad decidendas et componendas lites circa redditus metallifodinarum, salinarum, molendinorum, rerumue aliarum, vnde Principis augentur opes, exortas, maxime scire iuuabit, qualis earum exstructio, tractatio, curaque esse debeat, nec, qui causas tum partium agunt, earum iura vix explanabunt solide, nisi sint doctrinis de hisce rebus Oeconomicis satis imbuti.

§. XXI.

*Utilis est ICTo
collata in pri-
uatam Oeco-
nomicam ope-
ra.*

Desideratissimus omnium Oeconomicae priuatae finis est opum acquisitio. Haec autem omnibus vna esse nequit. *Alii* agrorum culturae, vniuerso hominum generi perquam salutari, dant operam: *Alii* res, quas natura gignit, ad hominum praeparaturum vsum, aut aliter naturae regula studia metiuntur sua, et cuiuslibet animus est facultates inde sibi comparandi, quae ad sustentationem sufficient. Neque dubitabit vllus, et hunc in finem varias eiusmodi homines callere cautelas Oeconomicas debere. Sed quid haec ad ICTum? Iustitiae sacerdos dicitur *in l. l. π. de I. et I.* et hinc merito etiam totus in eo est, vt, sicut in reliquis praeceptis iuris, ita et in eo custodiatur iustitia, quod *cuique vult tribui suum.* Vt vero tanto accuratior quoad hoc praeceptum aequi, bonique notitia ICTi sit, multum tribuere mihi videtur, si laborum, studiorumque hominum, quibus sibi pariunt opes, aliquam cognitionem habeat.

§. XXII.

*Transitio ad
casus, vbi
priuata Oeco-
nomica ICTo
opas est.*

Largietur mihi hoc forsitan aliquis lubentius, si per varios probatum dederō casus, quaenam in vno, alteroue, tam ex rurestri, quam ex urbana Oeconomica, quasque scientias vtrique administras, scire expediat iis, qui ius reddunt,

aut

aut partium iura defendunt. In eo itaque nunc occupatus ero.

§. XXIII.

Fuit nimirum aliquis *m.f.* possessor praedii rustici, et restituendi ab eo sunt vero domino fructus percepti, percipiendique; Qua, quaeso, ratione commodius iudex de posterioribus iudicare, aut causae patronus eos exponere, poterit, quam si cautelas Oeconomicas de agrorum cultura, pecudum usu, aliasque, noscit? Colono mercedis a locatore pars ob sterilitatem intolerabilem ut remittatur, suadet *l. 25. §. 6. π. loc. cond.* et talem esse existimant *Dd.* aliqui, si colonus ex fructibus natis ne dimidium pensionis, seminis, et expensarum, perceperit. Quod si talis eveniat casus, quid erit sententiae ferendae, aut defensionis causae aptius, quam si sciat *Ictus*, artis Oeconomicae gnarus, aut ex relatione peritorum Oeconomorum eo perspicuius intelligat, quales ex semine sparsu pro eius, agrique, conditione sperari fructus alias possint. Idem erit dicendum, si ob pestiferam luem, qua infecta pecora periere conducta, colonus remissionem petat. Tum enim iudici ex doctrinis Oeconomicis notum esse debet, quae nam tum sint providenda, quantumque inde sit damnum, et, qui causam coloni agit, ex iis eam eo intelligentius deducet.

Applicari potest Oeconomicae rarestris cognitio, si quaestio est de fructibus restituendis, vel de mercede remittenda ob sterilitatem,

ob pecora conducta mortua,

§. XXIV.

Diuidenda inter agrestis hominis liberos hereditas est, decernenda legitima, inquirendumue in gestae tutelae rationem. Age, quantum iudici tum, aut causae patrono, adiumenti erit in Oeconomicis peritia rebus? Quod si enim, quanam, et quanta sint mortui bona, iudicare, vel docere velit, ex principiis Oeconomicis vera eorum aestimatio petenda prius erit, quam pars certa liberis, aut legitima

vel si actio heriscundae familiae a rustici liberis instituitur.

*vel si heredes
feudales et al-
lodiales de
piscaturae
fructu inter
se disceptent.*

legitima portio, assignari poterit. Neque tuto statuetur, an recte sese gesserit tutor, nec ne, si nesciatur, qualis in hac vel illa Oeconomiae rustestris parte cura et dispositio debeat esse. Huc etiam pertinere videtur, si inter heredes feudales et allodiales lis sit de piscaturae fructu. Cum enim Feudistarum schola eum allodialibus tum demum adiudicet, si defunctus Vassallus ultra dimidium temporis vixerit, per quod pisces in piscina relinqui debent, facile hinc colligitur, Ictum in definiendo tempore illo rite processurum non esse, nisi ex regulis Oeconomicis certus sit, quale requiratur tempus, antequam pisces capi possint, siquidem illud non ubique vnum idemque esse solet. Vid. STRUVII *Synt. Iur. feud. in Append. Centur. Decis. p. 5. dec. 8.* RICHTER *dec. 56. n. 9.* ibique respons.

§. XXV.

*Ex Oeconomi-
cae urbanae
regulis accu-
ratus iudica-
bit Ictus
de enormi lae-
sione
vel de causis
opificum, aut
artificum,*

Quantum ad urbanam pertinet Oeconomicam, et eadem Ictus aegre carebit, si, ut debet, custos legis illius esse velit, quae suum cuique dare praecipit. Finge enim, queri aliquem, se enormiter esse laesum emta re arte, manu facta. Finge, inter opifices aut artifices de rebus ad opificia, vel artes, spectantibus litigari. Hem, quaeso, quam facilis fiet aequi, bonique, cognitio, si talis in rebus Oeconomicis adsit? Certe vix clarius enormis apparebit laesio, quam si ex gravitate operis, magnitudine laboris, et usu rei Oeconomico, verum eius cognoscatur pretium. Vix in causis artificum, opificumque, cum Iudex, tum causae defensor, bene procedet, aut rem perspicue proponet, nisi technicas calleat voces, aliaue non ignoret, quae ex artis, vel opificii, regulis sunt ad tuenda cuiusvis iura necessaria. Ne dicam de existimatione Icti, cui multum omnino detrahatur, si ob eiusmodi quandoque insci-
tiam haec apponuntur sententiae latae: Würde Kläger
durch

durch einen andern und geschicktern Advocaten seine Nothdurfft vorbringen lassen 1c. vti pronunciatum fuisse testis est B. RIVINVS *ad O. P. S. tit. 3. En. II.*

§. XXVI.

Finge porro, societatis iudicium institui, aut de damno infecto, suggrundis, et proiectionibus agi, et iudicabis, numne hic etiam ICto vtile foret, indolem vnus, alteriusque, modi opes quaerendi habere perspectam? Sane si de *vel de causis Sociorum,* administratione gesta, lucro communicando, aut resarciendis damnis, restituendisque expensis, certus esse cupiat iudex, aut causae defensor, satis de negotio, cuius intuitu societas inita fuit, informatus vt sit, opus erit. Si petatur cautio de infecto damno, in aedium, quae ruinantur ruinam, conditionem secundum Architecturae praecepta inquirere fas est, antequam recte concluditur, an fundatam intentionem habeat actor. Et licet ocularis hoc casu inspectio iuratis in arte peritis plerumque in sententiis demandari soleat, nihilominus tamen, vt et iudex, et aduocatus, principia istius artis intelligat, merito exposcetur. Nec enim alias iudex e confecta ichnographia recte de causa cognoscet, nec habebit aduocatus, vnde iura clientis satis prosequatur, si, vt mutus piscis, interfuerit inspectioni actui, neque, quid actum sit, intellexerit.

§. XXVII.

Praetereo plura negotia iuridica, quibus scite perficiendis Oeconomica recte adhibetur scientia. Deuenio ad alias rationes, quarum contemplationi ea inesse vis mihi videtur, vt ICtus, in nullo adhuc dignitatis publicae gradu collocatus, eiusmodi scientiam ad eundem obtinendum sibi nec inter alia inutilem fore, persuasus esse queat.

§. XXVIII.

§. XXVIII.

*Ratio III.
ICtus multa-
rum bodie re-
rum gnarus
esse debet, si
benigniores
ipso esse for-
tunam velit.*

Non ab imperita solum multitudine audiri saepius solet: Ein Juriste müsse in alle Sättel gerecht seyn, sed idem etiam commune fere omnium, qui iuris studio sese dicare malunt, solatium est, si de afflicta hodie ICTorum conditione cogitant, et bene de fortuna sua sperant, quod nempe in permultis ipsorum opera ut patria possit. Nec male agunt. Cum enim propter illicitas ICTorum quorundam artes omnium paene nomen sit factum inuisum, eoque peruentum, ut melior frequentius illiteratos fortuna maneat, paucos sane Praxis, ut vulgo dicitur, alit, et necesse ideo ICTis est, viliora saepe munera petere, in quorum administratione nullus, vel exiguus, literarum usus est, quarum praeter haec pretium nostro multum aevo vilescere coepit.

§. XXIX.

Haec autem cum ita sese habeant, et quum nesciat aliquis, cuinam aliquando praeficietur muneri, quis est, qui dubitet, ICTi esse curare, ut praeter iura et aliis instructus scientiis prodeat, ad sternendam faciliorem fortunae suae viam idoneis? In hunc vero merito etiam Oeconomica veniet censum. Cum enim, ut supra §. IX. monitum, omnis generis Oeconomia multum ad salutem publicam adfert, non fieri potest, ut nullius pretii sit de rebus Oeconomicis cognitio, iique non ornentur honoribus, qui eadem plurimum prae caeteris praestant.

§. XXX.

*Recensentur
officia, quae
non, nisi a pru-
denti simul
Oeconomo, am-
biri tuto pos-
sunt.*

Nec etiam deficiunt honores, et officia, quibus non recte quis fungetur, nisi in hac vel illa Oeconomicae parte bene praeparatus accedat. Ita namque optime suo satisfacient officio Assessores, officialesque Camerae Principis, si principia Oeconomicae publicae, qualisue priuato-
rum

rum Oeconomia sit, norunt. Is, quem vocant *Cammer-Consulenten*, in tuendis Camerae iuribus multum eadem iuuabitur notitia. Dantur Consiliorum honores, quibus inspectio in domania Principis demandata, idque officii est, ut videant, quatenus sit Administratorum Oeconomiae ratio. Quis non in iis earum rerum notitiam quaeret, de quibus ipsis cognoscendum est?

§. XXXI.

Et quid dicam, si detur occasio ambiendi munus in Praefecturis, Collegiis Senatoriis, iudiciisque metallicis, aut salinariis, an credet aliquis tali bene praesse officio posse, si, quam ex metallifodinis, fontibusque salinariis, ratione Princeps quaerat opes, aliae scitu necessaria, fugiant scientiam eius? Praefectorum honores ut plurimum tales sunt, ut nemo, nisi Ictus, eorundem capax esse videatur. Hi vero in designato provinciae districtu non ius tantum nomine Principis reddunt, sed eius etiam aerarium, et Oeconomiam administrant. Certa eorundem curae immobilia sunt commendata. Percipiunt fructus et reditus ex castris, aedificiis Principalibus, villis, molendinis, praediis, pratis, agris, fluminibus, aliisque praefecturae pertinentiis. Id quod pluribus docet IACOB DOEPLERVS in *Tr.* cui titulus: *der getreue Rechnungß-Beamte*. Quidni ergo haec cura, et administratio, damnumque ex eadem male gesta metuendum, per *Rescr. Reg. de anno 1715. in C. A. T. II. p. 70.* Icti excitare animum posset, ut exercitior in adhibendis cautelis Oeconomicis tale capeffere munus cuperet?

§. XXXII.

Idem sibi quis dictum putet, cui evenit dignitate quadam senatoria in urbe ornari. Vti enim parum ex re
D totius

totius cuiusdam Collegii Senatorii est, quod amplas habet opes, agrosque, praedia, Sylvas, aut alia bona possidet, nisi beneficio regularum artis Oeconomicae optimam quamvis de iis disponendi rationem calleat: ita praeprimis commissa Aedilibus, sicubi tales sunt, aedificiorum, viarum, fontium, rerum venalium, mensurae, ponderisue iusti, cura homines Oeconomiae peritos haud dubie poscit.

§. XXXIII.

*Ratio IV.
Pauci Oeco-
nomiae amato-
res dantur, et
tales esse, prae
reliquis erudi-
tis, ICtorum
est.*

Neque est, quod quis tantam peritorum Oeconomorum copiam esse autumat, ut difficilis sit deliberatio iis, qui de distribuendis honoribus solliciti sunt, quemnam potissimum negotiis Oeconomicis praeficiendum putent. Si enim hoc esset, vnde tam misera et publicarum, et priuarum, fortunarum conditio?

§. XXXIV.

Cum igitur ad temporum casus consiliorum rationes accommodare prudentis est, sapienter omnino ICtus agat, in scrutandis artis Oeconomicae praeceptis elaboraturus. Sic enim, quo desideratiores satis in ea arte praestantes homines sunt, tanto sane facilius ad honores aditus fore, moxque ICtus prae aliis emerisurus esse videtur, si studiofrem in Oeconomicis ostendere industriam possit. Ac praeterea tale quoque studium prae reliquis omnibus, eruditorum nomine claris, ICtorum ordini commendare, atque iniungere mallet. Etenim Theologo nihil debet esse antiquius, quam ut ex veris Theologiae principiis hominum animi ad pietatem, iustitiam, aliasque virtutes, christiano homine dignas, alliciantur, adsuescantque. Atque haec si summa cum fide ac integritate studeat, tantum ad publicam utilitatem confert, ut nihil addi possit, debeatue, nec erit, cur partem laboris in aliena, veluti ar-

tem

tem Oeconomicam, publicae utilitatis gratia impendar^r Medicus equidem inter alia etiam prae caeteris in exquisenda indole, ac detegendis rerum naturalium causis, occupatus est, adeoque illa scientia modos edoctus iisdem rebus prudenter et caute vtendi vel maxime ad culturam artis Oeconomicae contribuere suum, et multum prodesse publice posse videtur. Sed nec ab illo iure hoc poterit expectari, postulariue. Tam enim late patet studium Medicum, tantus attentio ad rem labor, tantaque iam in eo utilitas publica est, vt in alienis doctrinis consumere tempus male, et contra finem propositum actum foret. Stabit ergo sententia, inter eruditionis gloria dignos homines studium Oeconomicum ICTi munus fere proprium esse. Ne enim dicta repetam, ex illius hodie re inprimis esse, praeter iuris scientiam et alias viles hausisse doctrinas, illud asserere adhuc a re alienum non erit, prae omnibus eruditis reliquis ICTum ad capeffendos honores idoneum esse, quibus ornatus partim melius res perficiet suas, si sit Oeconomus, partim administrarum arti Oeconomicae scientiarum beneficio ad emendanda varia in hac vel illa eiusdem artis parte capax erit.

§. XXXV.

Quod si auctoritate confirmanda res est, et com-
monstrandum, quanta in existimatione apud Principes et-
iam sint homines, maiori prae aliis in rebus Oeconomicis
scientia conspicui, intuearis, velim, illustrissimum exemplum
L. B. a SCHROETERN, cuius industriae, capacitatisque
hac ex parte memoria et fama nullo vnquam morietur tem-
pore: Ita enim eiusdem exornauit laudes *III. IOANN.*
GVILIELM. GOEBELIVS in praef. ad ADR. BEYERI Tr.
de Collegiis opificum: Vixisse illum, inquit, in aula ER-

*Exemplum il-
lustre ICTi, qui
ob Oeconomi-
cam pruden-
tiam maximo
in precio fuit.*

NESTI Pii, Ducis Gothani, et huic rationes COLBERTI rem Cameralem instituendi felicissime ostendisse, illiusque consilia tam prospero euentu gauisa esse, vt dictus Princeps ex solis redditibus forestalibus, venatoriisque, sibi cum copiosa familia, septem Principibus iuuentutis ornata, quae cultui et victui quotidiano inseruissent, largo satis prouentu acquirere potuisset: imo LEOPOLDVM, Imperatorem, gloriosissimae memoriae, tanta huius viri in re Oeconomica peritia commotum, eum LIBERI BARONIS axiomatica ornatum, in suam vocasse aulam, vt rem cameralem ad meliorem statum reduceret, ac superflua refecaret.

§. XXXVI.

Vnde acqui-
renda scien-
tia Oecono-
mica?

Requireretur autem fortasse nunc, quemadmodum, cum haec ita sint, in tali scientia excellere aliquis possit? Cognoscas, quaeso, nam non sine causa quaeri videtur. Generosissimus Dn. a ROHR in cit. supra libello: *Compendieuse Haußhaltung* = *Bibliothec. c. 1. §. 27.* huc facere praeprimis existimat, si sit in Academiis Oeconomiae Professor, qualis in vicina Halensi. Verum Dn. MVL-
LERVS in P. II. der Einleitung zu den Philosophischen Wissenschaften, von der Politic in not. ad §. 11. Cap. X. se non credere posse fatetur, specialiores scientias Oeconomicas, veluti Oeconomicam vrbanam, atque rurestrem, inter eruditionis disciplinas, vtiliter in Academiis systematice proponendas, recte referri, eoque ipso consilium Dn. a ROHR reprobare videtur. Vt quisque volet, accipiat. Ego, cum ex voto Dn. a ROHR non detur in Academiis in Oeconomicis proficiendi doctrinis sufficiens occasio, CHRISTIANI HENELII auctoritatem sequor, idque iure fecisse videor. Talia enim in libello, cui titulum fecit; *STATVA MERCVRIALIS*, Cap. 8. suadet: *Quomodo*, ait, *Oeconomi-*

ca prudentia paranda sit, si quaeras, potius ad experientiam, quam ad libros, ut bonus fias Oeconomus, te ablegarem: experientiam vero partim ex oculari inspectione, partim ex solerti et curiosa indagatione, atque colloquiis cum peritis Oeconomis, cum praefectis, villicis, cum rusticis, molitoribus, hortulanis, piscatoribus, item aliquando cum vetulis mulierculis, tibi comparare debebis. In eo saltem liceat mihi tanti Viri pace illius improbare consilium, quod commentatores de re Oeconomica euolui nolit. Cum enim egregius hodie in omni Oeconomiae specie scriptorum magni nominis numerus sit, ex horum sane praeterea fontibus quilibet iudicio, arbitrioque suo, quantum videbitur, non sine fructu hauriet.

§. XXXVII.

Sed satis mihi fecisse verba videor. Colligas, quaeso, *Epilogus.* B.L.num dubitandum ICto sit, inter alia nec Oeconomicam negligere artem, unde magna omnino in Rempublicam redit utilitas, et quae in negotiis iuridicis auxiliatrices manus praebet, faciliores ad Rempublicam pollicetur accessus, ac denique inter paucos sui amatores imprimis ICti operam ad sui ipsius culturam exposcit. Immortales DIVINO NVMINI gratias refero, quod labores meos auxilio suo beare clementissime voluerit, idque ut in posterum quoque mihi proprium, et perpetuum sit, humillime rogo, atque obtestor.

* * *

COROLLARIA.

I.

Notum est, quod illustres atque nobiles personae negotia a se celebrata saepe sub splendore dignitatis, **ben Fürstlichen, Gräflichen, Adelichen Ehren, Treu, und Glauben**, confirmare soleant; Quaeritur itaque, si, qui usus est hac formula, contra promissionem agere velit, an opus relaxatione habeat? Negant multi, praemis CARPZOV. *P. II. C. 36. def. 10.* et ex eo MEVIUS *P. I. d. 132. n. 7.* Affirmant alii, quos inter est STRVV. in *dissert. de relaxatione iuramenti ad effectum agendi, c. 2. §. 21.* cui accedit ZOLLIVS in *dissert. de promissionibus generosa fide vallatis, cap. ult.* Quorum opinionem et nos defendi posse putamus.

II.

Vtrum *l. 31. π. de iureiur.* vi cuius iuramentum suppletorium, vel purgatorium, ob novas repertas probationes rescinditur, saltem intelligenda sit *de instrumentis nouiter repertis*, an vero etiam *de testibus*, intelligi debeat? maxima inter Dd. controuersia est. Nobis placet sententia: *Illam de testibus etiam accipiendam esse.* Consent. LVDOVICI in *doctrina π. tit. de iureiur. §. 36.* SCHVBERT. de *reuocando iureiurando purgatorio et suppletorio §. 9. et 24.* Illustr. LEYSER. *Spec. ad π. 145. med. 2.* et alii. Quae sententia tamen hodie in Electoratu Saxoniae usu destituitur per O. P. S. N. *tit. 30. §. 3.*

III. An

III.

An contractus emphyteuticarius requirat scripturam? acriter disceptant. Nos cum HOPPIO in *Comment. Inst. tit. de locat. et cond.* adfirmamus de *emphyteusi ecclesiastica*, negamus autem de *seculari*. Ad *l. 1. C. de iure emphyteut.* quam ut obstantem adlegant, in conflictu respondebimus.

IV.

Testamentum posterius rumpit prius, licet testator huic *clausulam derogatoriam*, vel etiam *iuramentum*, inseruerit. v. CARPZOV. *P. III. C. 5. d. 19.* Nec facimus cum SCHOEFFERO in *Synopsi Iuris priuati tit. de iniusto, rupto etc. n. 14.* qui statuit: *clausulae derogatoriae in testamento posteriori fieri debere mentionem, alias posterius testamentum vi vel dolo extortum videretur.*

V.

Emtor thesaurum in fundo emto ab ipso inuentum, totum sibi vindicat, venditorque ex *l. 2. C. de rescind. vend.* agere nequit, vti ab haud paucis statuitur.

VI.

Negotiorum gestor regulariter culpam leuem saltem praestat, v. ECKHOLT *ad π. tit. de neg. gest. §. 8.* non etiam leuissimam, v. THOMAS. *ad STRAVCHII dissert. 16. §. 16 p. m. 406.* Operose dissentit HARPRECHT *ad I. tit. de obl. quae quasi ex contr. nasc. n. 43. sqq.*

NOBI-